

# Seese-Seese

AULAY

CI

Tono

2

Deftere

1



République du Sénégal



Ministère de l'Education nationale

Vente interdite



# Pulaar

# Seese-seese

Tolno 2 Deftere 1

Édition 2018  
Réimpression 2020




Avis de droit d'auteur : ©2016-2021 projet Sénégal Lecture Pour Tous pour l'Agence des États-Unis pour le développement international (USAID), contrat USAID n° AID-OAA-I-14-00055/AID-685-TO-16-00003, géré par Chemonics International. Tous droits réservés. Cette aide provient du peuple américain et est financée conjointement par l'USAID et le gouvernement du Sénégal.

Ce travail est disponible sous la licence Creative Commons Attribution 4.0 IGO licence (CC BY 4.0 IGO) <http://creativecommons.org/licenses/by/4.0/igo>. Sous cette licence, il est accordé le droit de copier, de distribuer, de diffuser et d'adapter ce travail y compris à des fins commerciales selon les conditions énoncées de la licence CC BY.

# **Loowdi deftere ndee**

Hiraande Faabru e Mbuuduudu.....	4
Futbal ñiibi .....	12
Siro Poolel.....	20
Ñande innde Aminata.....	28
Njeenaari Aamadu Gayel .....	36

# Hiraande Faabru e Mbuuduudu



Mbuuduudu e Faabru koddunoo e  
wuro wooto.

Gooto kala defa galle, ñaamda e  
besngu mum.

Ko noon be kodiri ko aldaa e duko.



Kulle mbiyi duum doo na moyyi,  
kono buraani.

Buri ko yo hoddube ndenndat  
huunde heen sahaaji, Mbuuduudu  
noon ko lomoowo keewdo  
ngammbeela.




Faabru ne ko joom jikku, jaawdo ko  
yuufata.  
O yidaa jawiido mo hay seeda.



So na yaha, daroto doo, seppitoo,  
rippoo too, koyde mum ko e leydi  
tan ngoni.



Mbuuduudu ne diwat hakkunde  
boowal e saare mum.  
Ina yaha tan na arta, na diirna  
biþje.



Wadi ñalaande Mbuuduudu noddi  
Faabru hiraande.  
Faabru jabi, ari na seppitoo e leydi.  
Mbuuduudu wiyi dum bismilla,  
kono a soodoyto tawo.



Faabru geddi, hooti galle mum  
hirtaaki.

Ñande wodnde, ndu noddi Mbuuduudu  
yo ar ñaama.

Mbuuduudu ari na diira, haa faandii  
damal.




Faabru wiyi d̄um yo d̄al buubaaji d̄ii  
boowal.

Mbuuduudu wiyi o waawaa, sabu ko  
bibje mum.

Ko nii kañum ne hootiri galle mum,  
hirtaaki.

# Futbal ñiibi



Hannde ko futbal ñiibi noddaa.  
Kulle ladde fof ngarii e keewal,  
fobboobe e jaaroobe.  
Estaad oo heewii tep, e sara weendu  
mawndu.



Ñiibi puri keedi rewo, boornii  
mayooji daneeji.

Diya boornii bodeeji, di keedti  
bannge worgo.


Hankadi kulle fof njoodii, kolliri  
nehdi, padi sufle.



Arbiit Njambala ari, na ardi e  
sawndiibe mum.

Wiyaa yo foto wade mbela ñalaande  
ndee siftoree.

Njamala e wallooibe mum ndarii  
e hakkunde.



Ekip daneeji e bodeeji keedti dumen  
nano e ñaamo.

Doon tan maje falas maji, fotoobe  
portili.

Ekip kala heedtoyi bannge mum,  
arti na wulna balli.



Arbiit Njambala darii e hakkunde,  
o noddi fettoobe.

Tan sufle wuttaa, wiyaa haala gasii,  
golle keddii.

Kalaldi ñiiwa wiya fettu, woto tonndu  
mem noon.



Ñiiwa noon ko tonndu woni junngo  
mum.

Noon tan ngoota e bodeeji sastii  
kufel e junngo.

Njamala sifli penalti wonande oya  
bannge mbo daneeji.



Hee, ndeke ko bone, ekip bodeeji  
laawii.

Be catii arbiit tan, be ngoni e  
yeddude.

Kono be kartaa, matsa jokki haa  
joofi.



Penalti fettaa, bal naati, woni gooto  
e ndiga.

Yahi haa lajal futbal timmi, alaa ko  
waylii.

Daneeji pooli, nawi raay, jam burti  
do fotnoo.

# Siro Poolel



Poolel meedii siroyde pattude  
e ladde kanko tan.  
Omo yaha omo yiiloo, na yima,  
na wuuda.  
Ara doo, sira kii, yawta e kiya.



Ndeke Ullungel ne ummiima sara  
wuro, ina raddoya.  
Engel yaha, engel ñeentoo, haa ngel  
sooynii Poolel.  
Poolel na wakkii sasa mum, engel  
hoota galle.



Tan Ullungel dubbini e seŋgo bolol  
nder hudo.

Poolel na diwa doo tan,  
na rippoyoo daa.

Ngel ari e lekki ɓuuɓki, ngel fooftii  
doon.




Ndeke Ullungel taartiima, yeenji e  
leksi gila naane.  
Nde Poolel rippii tan, Ullungel diwi  
mabbi ngel.  
Kono Poolel gañaaki.



Doon tan ngel fiddii haa leebi colii.  
Ngel boccitii, ngel diwi, Ullungel etii  
diwde.  
Kono ngel heftaaki Poolel.



Nii Poolel dadiri e bone Ullungel.  
Yimoobe ngarti noon na ciimta no  
dum yahrunoo.  
Ebe mbiya, e nder tinndi mumen,  
dum doo.




- Poolel siroynoo, fotti e Ullungel.
- Korto korto wadi, boggi dannga tayi.
- Talki daande njani.



- Yumma hoyyi woyi, baaba hoyyi jali.
- So ko a jalii kam, njalaan battandol.
- Poolel diwii dow.

# Ñande innde Aminata



Aset heccanki ko innde Aminata  
wonnoo.  
Subaka law, taw worbe mawbe  
kawrii galle too.  
Njawdi mawndi na humaa e damal,  
na meela.



Hanti yimbe na njaha tan na ngarta.  
Rewbe na ndefa ñiiri, beya na  
peewna kosam.  
Sukaabe e mawbe fof na ndarndarta,  
na padi.



Haa seeda tan, wiyaa jooni dee  
kacitaari parii.

Hankadi, palatuuji ñiiri e kosam  
peccaa, yimbe ñaami.



Ceerno oo noddaa ari, omo innoya  
cukalel ngel.

O turii enofru ñaamru nduu, o duwii.  
O turii enanru nduu kadi wadi  
duwaawu.



Booyaani tan, gorko gooto yalti,  
wiyi ngel wiyaama Aminata.  
Ngel inniraa ko gorgol maggel  
Aminata Demmba Jallo.



Ñeeñbe, wammaabe e awlube  
ngoni e yettude.

Sukaabe rewbe e mawbe kala mbaddi  
buraa yoodde boornungal.  
Gooto fof na hollira comci kesi  
e cudaari.



Bee na mbadi kootone kañje  
e jawe dime.

Beya na cinndii diibe, mbađdi heen  
ceeneeje kañje.

Bee gaa kadi na boornii cuubuuji  
Mali ñilkooji.



Kooni ndaw welnere e oo doo  
ñalawma.

Goram, yuman cukalel ngel na sinkii  
haa moyy'i.

Jooni o wontii debbo jooddo mo  
wonnoo oo.

# Njeenaari Aamadu Gayel



Lekkol uddii, heddi tan ko piriji  
njeenaaje tottiree.  
Hannde ko ñalaande teddungal  
wonande kala burnoobe tiidnaade.  
Laamu arii, defte njeenaari pawaama  
haa dow.




Ministeer janđe e pinal nelii doo  
luuto mum.

O y'ettii konngol, o hirjinii, o jaarii  
sukaabe dadoobe e janđe bee.

O hollitii alaa ñinjaado, ko teddungal  
lekkol oo fof.



Pakkeeji njeenaaje dee na badtinaa.  
Ina wadi defte, e kayeeji, e karte  
nate.  
Fof ko sukaabe bee njeyi, caggal  
golle moyye.



Jooni noon, tottirgol njeenaaje dee  
puddaaama.

Kala noddaado, keliifa ara totta  
dum njeenaaje mum.

Njeenaaje dee tottetee ko gadano e  
rewtube mum.



Duum wadi, heewbe maa keb, hay  
so potaani.

Aamadu Gayel dañii piri kaadtudo,  
burdo toowde oo.


O fawii heen keewdi goddi, fawaade  
e fannuaji.



Hanti sukaabe bee na noddee tan na  
ngara.

Bee keba defte teddungal seeda,  
tawa njawaani.

Bee kadi keba donngal haa tedda.



So goonga noon, galle Aamadu'en,  
weltiima sanne.

Mawniiko'en na doo, kam yoo neene  
mum.

Sehil mum Daawda e miñigel mum  
dewel, Pennda, mbeltiima.



Fulbe mbiyi jaŋde ko famda suura,  
heewa lammina.

Alaa mo Alla rokkaani no janngiri,  
so jañii.

Ndeke noon, tiidniido fof na waawi  
dañde njeenaari.



Ce livret décodable gradué a été conçu et imprimé grâce à l'appui généreux du peuple américain à travers l'Agence des Etats-Unis pour le Développement International (USAID).



**USAID**  
DU PEUPLE AMERICAIN